

*Arundi-
nes seu
canna Si-
nica.*

Luyeu rivus prope Kingning magnis arundinum seu cannarum sylvis virescens, Sinæ eas communi nomine Cho dicunt, licet quamplurimæ earum sint species, Lusitanæ in India Bambo vocant, aliaæ aliis majores sunt; harum omnium durities prope ferrea est, adeoque saepe crassæ sunt, ut duabus tribusve manibus stringere nequeas: quamvis autem intus vacuae sint, suisque nodis articulisque distinctæ, firmissimæ tamen sunt, ac securissime imposita onera sustinent; altitudo saepe trium aut plurium cannarum est, minores aliaæ medium perticam haud excedunt, aliaæ sunt trunco ac ligno viridi, aliaæ nigerrimo, atque hæ plerumque solidæ, quales in India Bambu maram vocant. Amoenissimum adspectum præbent tum folia oblonga forma gladioli, summitatibus nonnihil inflexis atque incurvis: tum quia toto anni tempore virides sunt; licet autem adeo duræ sint arundines facile tamen in licia tenuissima, ac veluti membranulas ab artis peritis dissecantur, ex quibus storeas, capsulas, pyxides, pectines aliaque simili utensilia minutissima subtilissime contexunt. Ex eisdem domos suas facile construunt, iisque pro ædium minorum postibus utuntur, ex tenuioribus hastilia fiunt cuspide præferrata, atque ad sexcentos alias usus, quorum nimis prolixa esset narratio adhibentur. Ad aquarum canales, ductusve struendos, cum à natu a perforatae sint, aptissimæ sunt: ac pro tubis opticis longioribus ob levitatem, rectitudinem, crassitatem ac firmitatem excellentes prorsus ac singulares. Cum recens hæc canna abscta comburitur, aquam emittit, uti ligna omnia, plurimum à medicis expertitam: epota namque putrescentem sanguinem, locoque motum vel casu, vel percussione, è corpore expellit: tenera ac primum nata, priusquam folia emitat cum carne adhibetur pro cibo veluti rapæ, aut cocti cardui, quin & aceto macerata toto anno servatur tamquam condimentum, seu obsonium ad delicias, non fecus ac minores apud nos cucumeres, aut fœniculum.

Octava Urbs

XAOHING.

*Situs ac
pulchri-
tudo ur-
bis.*

XAOHING urbs magnitudine metropoli cedit, nitore superat: celebris est à virorum in ea eruditorum ac litteratorum numero, ingeniorumque præstantia.

Sitti jacet commodissimo, in medio aquæ potabilis, Venetam urbem, si quæ alia refert, nisi quod aquarum aliarumque rerum omnium munditie longe exsuperet, tota albæ, quadratis, sectisque constat lapidibus, Tiburtinis simillimis; nulla absque canali aut ductu aequo platea est, utrumque viæ adstant latissimæ eodem lapide stratæ; domum parietes eodem structi sunt, quod alibi apud Sinæ insolens omnino, ac vix videatur; pontes ex eodem intra moenia quamplorimos numerat, at majores etiam non pauci extra ipsam urbem sunt, debitissimis ac ordine ipsi canali ac aqueductibus superimpositi: per canalem hunc navigatur ad triduum ortum versus, ripæ utrumque quadrato illo lapide firmatæ, adornatæque sunt; exitus illius aggere lapideo obstructus est, ne aqua omnino effluat, atque alveum deserat, ibi ad adductum constituti sunt, qui naves attollant, ac in canalem sequentem promoveant: per hunc ultimum parvis navigiis ad Ningpo urbem patet iter, majores mare transiunt; quatuor autem hujuscemodi obices in hoc itinere superavi saepius; ac prope hanc urbem non paucos vidi eosque magnificos arcus triumphales, ad quos construendos magna hic facilitas est: nam circa Siaoxan civitatem latomia est, ex qua maxima Sinarum pars suos lapides petit. Urbis ager maxima ex parte planus est, fluminibus aquisque irriguus. Urbs ipsa cum primis nobilis, magnificisque operibus tum publicis, tum privatis ornata; aëre fruitur puro ac salubri; causidicos & causarum astutissimos patronos toti reliquæ Sinæ suppeditat, adeo ut vix præfectus sit ullus, qui artium harum peritum ex hac urbe apud se non habeat. Regit civitates omnino septem,

*Gentis
indoles.*

1 Xaoing, 2 Siaoxan, 3 Chuki, 4 Iuyao, 5 Xangyu, 6 Xing, 7 Sinchang. Hodiernum nomen primum dedit Sunga familia. Tanga Jucheu dixit. Fana in ea quinque & Novizonia duo, sumptuosa omnia ac splendida. Hoeiki mons ad urbis Notapeliotem vergit, undecimus ordine in Taoxu libris, à quo olim Hoeiki Provincia nomen habuit, quæ has orientales regiones includebat. Suming mons à quatuor cavernis versus cœlum apertis, Quatuor claritatum nomen obtinet; ex nominatissimis est ordine nonus; vertices in cœlum erigit varios, ad ducentos & octoginta. ejus altitudo duodeviginti perticarum millia æquare dicitur, ducenta & octoginta stadia occupat, circa Juyao incipit, inde